

www.BibleForChildren.org


Mataio 1



Aime Elisabet ye tamacneine 6 aime, Wapongti
angelo monic wacine Gabriel, ye saleme taon monic
wacine Nasaret, Galili prowins iwa hikewec. Hikelu
ngigac-neleweng monic ngickolec mi faicne, wacine
Maria, ye fikecnowec. Aime Maria ye ngic monic,
wacine Yosefe, yeholec bingECKa gaiboc. Aime
Yosefe ye Dawidile fikesaweckacni.



Ngage-ngage bole badomame, angelodi yanguc edowec, "Maria, Wapongti gale ngageme madickecaigacte mi hangocguna. Ailu ngagegic, ga gboli monic gobeelu badamecte. Ga madec yele wacine Yesu wackedamec! Madec yogo ye feicne aidaicte. Ye Wapong Feicnetowanonggeng yele madec, yele wacine inguc wackedaingte."



"Aime Wapong Suguchedi ye
ngamboine Ngictau Dawidile bole
ingucnehac lacnome iwa
damongkedaicte. Damongkelu yedi
Yakobole gbolifocine yengele
ngictau ailu damengngine
fafa-sanang fagidaicte. Ailu
mac-himongine damongkelu,
miyac-miyacine mikac gaginowagac."



Mime Mariadi angelo yanguc edowec,
"Ngickolec monic mi facaigabac.
Aime yogo wenucka fikelenale
migic?" Inguc uwacnome miwec,
"Tili Asudi gala wame Wapong
Feicnetowale tapilidi
gale folalac ailu
somecgudaicte.
Ilec ailu gboligone
gbagbacnebenang
fikedaicte, yele
wacine Wapongte

Madec
wackedaingte."



Dameng mi daliweme Maria ye efeckelu
taon monic Yuda yengele sifec himongka
fawec, iwa biyac hikewec. Hikegacgu
Sekariyale macka fewec.

Felu Elisabet
wenac-madic
micnowec. Micnome
Elisabet Mariale
yowa ngageme, gboli
gobeina ngiyewec,
yogodi kwatackelu
uc fific aiwec.



Aime Tili Asudi Elisabetla wakeme, ye
sugucnehac aukwelu miwec, "Ngigac
hewacnonggang gagic, ga
mimi-madicgoneholec.
Nga gboli gobegona
ngiyegac, ye
mimi-madicineholec."



Yago Yesu Kristole fike-fikele siduc. Maria ye Yesule nenggac. Ye ngic monic, wacine Yosefe, yeholec bingeca gaiboc. Nga Maria ye Yosefholec monic fa-fangkec mi aiyeboc Tili Asulacni madec gobeewec.



Aime ngaweine Yosefedi inguc ngagelu ngic dondonne
gawecte ngic-ngigac
yengele haicka
ngigac-bingecine
yowa aicnome game-game
aidaickale, ngageme
nalic mi aime
yeicnakac akikic
lome hikenale
ngagewec.



Ngagelu ye ilec ngage-ngage bole balu gawec. Hei, Sugucnele angelo monicti gungka fikecnolu yanguc edowec, "Yosefe, Dawidile fikesaweckacni, ga ngigac-bingecgone Maria banogale mi hangocgudaic. Kogoc yele gobewa ngiyegac, yogo Tili Asulacni. Mariadi madec yogo badaicte, yedi galu ngic-ngigacfocine bikickacni bamoctocebame wasecne aidaingte."



"Ilec ailu yele wacine Yesu wackedamec." Aime Yosefe ye gungkacni fangkelu Sugucnele angelodi yowa edowec, yogo balaibe hikelu Maria bame macina feiboc. Felu ngigacineholec mi faebocka madec fikewec. Fikeme Yosefedi madec yogo wacine Yesu wackewec.



Aime Roma himongte ngictau monic, wacine Sisa
Agustus, yedi himongne himongne wac-alingningeng
kwelengkeningte yowa
lome hikeyackewec.

Dameng iwa ngic
monic, wacine
Kwirinius,


yedi Siria

himongte
gawana galu

molic-molic boleine wac-aling bawec.



Aime ngic-ngigac sasawadi wac-alingngineng
kwelengkeningte macngineng fawecsoc
hikeyackeibong. Aime
Yosefe ye Nasaret taon
Galili prowins
iwa gawec.



Ye Dawidile fikesaweckacni.



Ilec ailu hegilelu Yudeya himong Dawidile taon
kpsicne, wacine Betlehem, iwa hikewec. Hikeme
ngigac-bingecine Maria ye
gobholec aiwec. Ailu
yeke momoc
wacnginec
wac-alingka




kwelengkeningte hikeiboc.



Yeke iwa hike sulumboc
kogoc fike-fike dameng
kwesiwec.



Kwesime molic-molic madeenginec fikewec. Aime
mac ngiye-ngiye sawaine monic mi fawecte, Mariadi
kpolucti ebeckelu
lama-bulumaka yengele
duwacka iwa
lome haulu
fawec.



Aime deboleme lama-damong gocne yenge Betelehem
kpanggewa lamafocongning damongebalu gaibong.

Inguc gacgubong Sugucnele angelo
monicti iwa fikeyelewec.

Fikeme
Sugucnele
tapili nga
hibi-angocti

baangolecebame
yenge hangoc
sugucne aiibong.



Aime yedi yanguc edocebawec, "Ngenge hangoc mi aining! Ngagegaing, yakumacbenang ngengele ailu Dawidile taon kpisicna Mesia

Sugucne fikegac, ye bikicte ameinele Asa-baba ngic."



"Ngic-ngigac sasawadi yele ailu
beliye-benangkedaingte, na Siduc Madicne
yogo mibe yegengkengelegac."



"Gboli yogo ngenge wenuc bafuwangingte maa yago
ngelegabac, ngenge hikelu lama-bulumaka yengele
duwacka kogoc monic kpolucti
ebeckeicne fame
bafuwadaingte."



Ye inguc milu domaemewa iwahac honocmengte angelo
habu sugucne, yenge fikelu yeholec
domalu Wapong mitengkelu yanguc
miibong, "Wapong, wac



feicne, wileng
honocmengka
fadaic."



"Aime himongka yengela kwele-mogung fadaic. Wapongti ngic kwele-efec aiyelegac."



Aime angelo yenge honocmengka hefaliye febong,
lama-damong yenge yengilangkac mingagec ailu
miibong, "Betelehem taonka wiyac yogo fikeme
Sugucnedi edocnubagac, ilec biyac hikelu yogo
nganinang."



Inguc milu yenge biyac hikelu Maria nga Yosefe ailu
gbolinginec duwac kwelina fawec, yogo biyac
bafuwacebalu nganicebaibong. Nganicebalu angelodi
gboli yele yowa miwec, yogo edocebabong
ngageyackeibong.



Yesu ye Betelehem
taonka fikewec,
Yudeya himongka,
Dameng iwa
Herodedi
ngictau gawec.



Gacgume ngage-ngage ngic gocne
himong wenac ofe-ofeinacni
Yerusalem kwesiibong.



Kwesilu yanguc
miibong, "Yuda
ngic-ngigac ngengele
ngictau fikeyec,
ye wenuwa
fagac?"

Nonge wenac ofe-ofeina ngiyelu
yele asocmeng ofeme nganilu ye
ketadi holecnolu afeenangte
kwesigabeleng."



Inguc edobong Herodedi
wenac ofe-ofeinacni
ngage-ngage ngic yenge
sangke-sangke
hefolecebalu asocmeng
ma damengka fikewec,
yogolec dameng dondonne
ngagenale mi-uwac
aiyeleme edoibong.



Edobong yedi yanguc milu
salecebawec, "Ngenge
Betelehem taonka hikelu
kogoc wenuwa fagac,
yogo basackegacgu
bafuwalu kwesi
edocnubong nanidihac
hikelu ketadi holecnolu
afeedacte."




Ngictau ye inguc mime yenge yogo ngagelu yefewa
hikeibong. Hei, asocmeng wenac ofe-ofeina
nganiibong, yogohac hatacmac fikeme
nganilu beliyebenangkeibong.

Aime asocmengti
molickeyeleme hikegacgu
kogoc fawec, mac
yogolec feina
holelu ngiyewec.



Ngiyeme yenge macka felu kogoc nga nenggacine
Maria nganicepaibong. Nganicepalu ketadi holecnolu

ngosockelu afeeibong. Ailu
hiyenginangkocni
kwele-madicte wiyac, yogo
gol nga hasoc hole-holele
nepa hoine madicne
ailu tokic hoine
madicne wacine
mira, yogo
lacnoibong.



Ailu Herodela yefe mi hefaliye hikeningte Wapongti
gungka aka-yowa milu edocebawec.

Edocebame yenge yefe monic
balaibelu himongnginang
hefaliye hikeibong.




Hefaliyelu hikebong Sugucnele
angelo monicti Yosefe gungka
fikecnolu yanguc edowec,
"Ga fangkelu kogoc
nenggacineholec
bacepang hangoc Isip
Himongka hikelu gadaing.
Herode ye kogoc yogo
bafuwalu wehomanale
migacte

ngenge hike gaebongka
nani gacgu edocngebabe
hatacmac kwesidaing."




Inguc mime Yosefe ye deboc
iwahac fangkelu kogoc
nenggacineholec bacepame
Isip himongka hikeibong.
Hikelu iwa gacgubong
Herode homawec. Aime
esecne Suguchedi
yeicne siduc-mimi ngic
yele micka lolu yanguc
miwec, "Isip



himongkacni madezne
wackebe kwesiwec." Dameng
iwa yowa yogo noine fikewec.




Aime ngage-ngage ngic yenge
Herode kwesackelu yele
yowa hegileibong, ye inguc
ngagelu aalic sugucne
ngagewec. Ngagelu Betelehem
nga mac-himong yogolec emewa
faibong, iwa hudu-baba
ngic




salecebawec.




Salecebame yengi hikelu
ngic-ngigac mac iwacni
yengele madecfocngineng
hifangineng yaeckang ailu
kogoc gbolicne fikeibong,
yenge sasawa wecebabong
homayackeibong.




Yogo ngage-ngage ngic
yengelacni dameng
ngagewecte, yogo aiyelewec.



Aime Yosefe ye Isip
himongka ngiyemewa
Herode homawec.







Hei, Sugucnele angelo
monicti gungka fikecnolu
yanguc edowec, "Madec
yogo wehomanogale
miibong, ngic yogo yenge
biyac homaibong. Ilec
ga fangkelu madec
nenggacineholec
bacepaengka ngenge
Israel

himongka hatacmac
hikening."



Hikelu ngageme, "Akelaosdi mamacine Herodele mac
balu Yudeya himong,
yogolec ngictau aiwec."
Yosefe ye yowa-siduc
yogo ngagelu iwa



ganogale hangockewec.
Ailu ye gungka sawang-yowa
ngagewecte Galili prowins iwa hikeibong.




Hikelu taon monic wacine
Nasaret, iwa gaibong.
Aime esecne Wapongte
siduc-mimi ngic yengi
yowa yanguc
miibong,



"Ye Nasaret ngic, inguc midaingte."
Yogo noine fikenale inguc aiwec.



I yangucte, Wapongti himongtowale
ngic-ngigac yengele kwele-angac
sugucnehac ngagewecte ailu, Madecine
moniyang sugu lome himongka wawec.
Ilec monicti ye ngagesingkegac,
ye mi homadaicte, ye
gaga-sanang
bagac.



Roma 3:23

Aime ngic-ngigac nongileng ngani-nganinonggeng haicine
monic-monic mi aigac, nongileng sasawadi bikickolecte
ailu Wapongta wac feicne facaigac, yogolec maaine
banangte lilolu gagabeleng.

Roma 6:23

I yangucte, bikicte fuli yogo homac banoga.
Nga Wapongte kwele-madicte wiyac yogobac
Sugucnenonggeng Kristo Yesule ailu gaga-sanang
fuline mikac moc noledaicte.

Hibru 9:27

Aime ngic-ngigac sasawa dameng moniyang sugu
homanangte miwec. Ailu lobewa gacgu yowawa
domadabelengte.



Efesus 2:8,9

I yangucte, ngenge Yesu ngagesingkeibongte yedi kwele-madic ainglewec, yogodi bikicte ameine bame wasecne aiibong. Aime Wapong ye ngageboc mi ailu ngage-ngagesingngineng yogo ngelewec, yogo ngengelacni miyac. Wasecne aiibong, yogo ngengileng aibabale miyac. Ilec monicti yeicne ngageme wiyac feicne mi aidaic.

Roma 10:9,10

I yangucte, ga micgonedi Yesu ye Sugucne, yogo miyengka yegengkedaictewa, nga Wapongti Yesu homackacni bagboliyewec, yogo kwelewa ngagesingkedamectewa, Wapongti bikicte ameine bame wasecne aidamecte. Nongileng kwelenonggengti ye ngagesingkebeng, yedi dondonne wacnubadaicte. Ailu micnonggengti yele mibeng yegengkeme, yedi bikicte ameine bame wasecne aidabelengte.



Yoane 3:16,17 I yangucte, Wapongti himongtowale ngic-ngigac yengele kwele-angac sugucnehac ngagewecte ailu, Madecine moniyang sugu lome himongka wawec. Ilec monicti ye ngagesingkegac, ye mi homadaicte, ye gaga-sanang bagac. Wapongti Madecine himongtowale ngic-ngigac bikicngineng wosaclu mimoctonale mi saleme wawec, miyac. Ye himong ngic-ngigac yengele bikicte ameine bame wasecne ainingte himongka saleme wawec.

1 Yoane 5:11-13 Aime yowa yogodi yanguc edocnubame yegengkegac, Wapongti gaga moto-motoine mikac nolewec. Aime gaga yogodi Madecinela fagac. Monic ye Madeckolec wetackelu gagac, ye gaga noineholec gagac. Nga monic ye Wapongte Madeckolec mi wetackelu gagac, yele gaga noine mikac aigac. Ngic-ngigac Wapong Madecine ngagesingkegaing, yenge gaga-sanangkolec gagaing, nenge yogo ngage-motoningte hibi yago kwelengkenggelegabac.



Mataio 1-2; Luka 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Migabac NT (mpp) © 2019, Wycliffe Bible
Translators, Inc. All rights reserved.

<https://www.bible.com/bible/870/MAT.1>

©2026 Bible for Children, Inc.

www.M1914.org

www.bibleforchildren.org

